

齊氏醫案

上海十頃堂書局印行

函 13

72

共 4 冊



戎州逸士有堂齋東慧著

齋氏醫案

上海千頃堂書局石印



標商局書堂項干



齊氏醫案序

余幼業儒性嗜勤學奈命生不辰而多疾病彼時弱冠正有志青雲以復簪裘之望不意先君遭家多故徙居長邑先君曰離鄉矣家貧矣子暫餬口再作良圖遂從嚴命舌耕九年形容枯槁顏色憔悴腰俯不伸形如鵠立維時囊中始有貲往渝瀘訪求良醫竟不一遇噫何求醫之難耶歸至舟中同伴者買有薛氏醫案一書得觀補益門內始知凡人患病之因當用何藥峻補之法選方對證揀買良藥數年來湯藥服至數百劑丸餌服至百十斤未嘗停歇一日腰俯自伸飲食健旺身體康壯非藥之力何能及此嘉慶丁巳時年三十三歲復貿漢鎮獲遇超凡黃公老師乃西昌喻嘉言之小門生受業于舒馳遠者也幸得拜門于楚北武昌客邸即示余曰吾今者老矣年已七十矣久因勞攘風塵日為人役而未傳于徒觀子穎敏可當吾意乃將數十年親承于嘉言馳遠口授之秘旨遂一一以傳于慧晨夕問難分辨六經陰陽表裏寒熱虛實條分縷晰金針並度罄傳無隱至詳且盡我師弟二人依依三載拜別回川屏去營謀志在濟世杜門樂飢窮究醫學購求黃帝內經靈樞素問難經脉訣元始綱目張劉李朱四大家之秘訣喻氏醫門法律尚論篇寓意草及御纂金鑑薛氏醫案趙氏醫貫馮氏錦囊診家正眼密齋集解龍宮方石室秘錄等書晝夜

苦讀殫心悉慮寢食研求其中五行生剋制化一一辨明字字領悟於凡要妙
疑關會族肯綮無不迎刃而解嘻有莫之為而為者我今果知醫耶然雖醫統
將盡覺肌膚光澤體健身輕心中喜不盡言言不盡意于斯時也城鄉遠近府
縣廳州送往迎來醫治咳嗽吐痰吐血咯血咳血衄血遺精勞瘵虛勞勞蟲愈
者十之八九每治一人即立一案至今活人已盈千累萬內選病之奇醫之良
易易者百十案附于熟習各條之下商諸高明僉曰宜亟梓行世慧何人斯而
敢妄為著書立說以取畫蛇添足之誚況生于千百年成法大備之後即有新
說又豈能出古人範圍乎恨祿山兵燹真書淹沒後人以訛傳訛世多不分陰
陽不辨虛實用方用藥鮮能中病敢將數十年寤寐誠求心得仲景嘉言之蘊
奧立齋養葵之祕旨吾師超凡之心法古今諸家之議論乃為之暢發其義針
砭諸家啟迪後賢俾不致有虛虛實實之害貽誤後世慧故于是編之所以作
要訣之所以明足快償吾生平之大願也知我罪我又何計焉是為序

嘉慶十一年歲在丙寅孟秋月有堂齋秉慧自序

齊氏醫案崇正辨訛

凡例

一醫書自內經素問雖備醫藥之理而六經尚無定法定方至漢儒張仲景治傷寒始創三百九十七法一百一十三方大開六經法門不特專治傷寒一切雜病治法統在其中故曰三百九十七法萬法之祖也學者不由斯八門臨證如涉大洋茫無邊際雖皓首窮經有何益哉必當熟讀六經條分縷晰自然胸有成竹目無全牛否則不足以稱為醫也

一仲景六經之法醫家之要典也自兵燹散失缺而不完王叔和誤以偽撰成編陰陽乖舛錯雜無倫歷代相沿未及精察幸喻嘉言從而尚論之舒馳遠從而集注之極力攘斥詆排削去偽撰獨表精微義例之善無出二公之右者予故悉遵之而不敢易

一業醫者宜讀內經素問及薛氏趙氏馮氏喻氏河間東垣丹溪松峯之書始能學識高超見地獨迥故予是書中多纂輯諸家抉要鈎玄至于闕文概置不錄或辭多于意者纂其要而登之或辭隱于意者微加損益以顯捷而出之或先賢有不分六經及後世糊亂瞎撞之語盡皆削之所有論說即以治療一案證之極知僭越無似然輔翊先哲之心引誘後來之意大不得已救

世君子當必有以諒我

一業醫者宜淹博明通方能入道一知半解者未許窺毫末也然明通者又爲功名所拘牽即或學之又無傳授動謂醫有何難一望便曉甚矣無學者難知夫醫有學者易視夫醫所以良醫之大概見也惟能經史貫通文參參悟五行八卦生剋制化之理自然了徹尤要熟諳藥性中之寒熱溫涼五味五走如東方屬木其色青其味酸酸入肝南方屬火其色赤其味苦苦入心西方屬金其色白其味辛辛入肺北方屬水其色黑其味鹹鹹入腎中央屬土其色黃其味甘甘入脾故水曰潤下火曰炎上木曰曲直金曰從革土爰稼穡潤下作鹹炎上作苦曲直作酸從革作辛稼穡作甘明乎此則以藥性之五味五走參之六經定法臨證施之萬舉萬當果能此道矣即是上工

一凡學醫必須謙恭下士訪友求師稍有餘閒便將今古明醫諸書熟讀揣摩一一融會貫通得之于心熟之于目自然應之于手而無差謬

一凡病家請診必先問其病勢之緩急急者則先診之不得以富貴貧賤分別先後審證用藥務要仔細留心即或倉卒貽誤轉念知之或增某藥或減某藥必須隨後囑主人更改不得護短因仍蓋救人爲切務也

一遇危迫之病必須盡力挽回然必與病家講明方可用藥尤須璧彼藥資則

見效有功不效無怨也。至于乘危嚇詐。徒索人財。使病家懸心。患者作苦。不顧人之性命者。必有冥報。

一方藥二者俱宜講究。苟徒善其方而不善其藥。則見功遲而見過速矣。故立方時。必囑病家揀買良藥。至于上品藥餌。亦須預儲。靈效丹丸。虔製收用。庶免臨時束手。

一凡診視貧賤鰥寡。獨者尤宜格外加意。誠心施治。以全其生。至于賢婦孝嗣。貧病無依者。付藥之外。量力周給。以義補不足。未必遽虧于己也。如此存心。方稱仁術。上天知之。厚福必至。

一宜行止端方。凡診婦女及孀尼。必俟侍者在旁。然後診視。既可杜邪念。亦可遠嫌疑。即倡優家。亦必視如良人子女。不可存一些子兒戲。以取不正之名。致獲邪淫之報。

一診視回寓後。宜翻書驗病。援古證今。以觀吾意之當否。庶學問日有長進。不可任意行樂登山。久久離寓。攜酒遊玩。倘有暴病求援而不得。豈不有垂危之慘。

一宜衣冠整飭。儒雅端莊。然不可過于奢華。以致誚于彼其之子。不稱其服也。語云。一流處士二流醫。卑瑣者徒取輕賤。

一不可惟利是圖。矜言財禮。於顯宦者求梯額。於巨富者索金珠。蓋實至名歸。貴乎自然。而受人與者常畏人也。余見庸工之輩。既無名師指點。勸襲幾箇陳方。草率妄為。動輒包治包愈。需索數千數十。幸而得之。謂謂揚揚。自謂在通。其實背謬殊多。失亂不少。以致冤鬼夜號。藥櫃中無非黑氣陰魂慘結。招牌下盡是啼聲。營營于蠅頭微利。貿貿如鬼域傷人。其流品愈卑。其識見愈陋。醫道之流弊。尚可勝言哉。

一醫法云。醫者意也。藥不執方。合宜而用。全在醫者圓融變通活法以行之。且一病主治非一方。一方亦不止主治一病。萬不可專執一方。而無可憑之理。以貽害于人。必要神而明之心。以會之。投機應病。方為濟世婆心。否則誤人性命。雖世俗可欺。而冥冥之中。放過誰來。

一考明醫用藥。不論有毒無毒。須審其病之當用者。用之。常起死于苓連姜附。活人于參朮硝黃。無奈俗人反生疑謗。或言苓連苦寒敗胃。或言薑附熱毒傷陰。或言參朮補起虛火。或言硝黃瀉傷元氣。彼不知有是病。必用是藥。而創此不經之謬談。用平常藥者。反為得計。不知壞事之甚。愚勸司命之士。寧可受人謗言。切勿誤人性命。以自干陰譴。而取罪戾也。

一宜知煎藥之法。凡藥入罐。開水浸透。濕紙蓋緊。務要老誠看守。不可炭多火

急致藥水沸出亦不可過煎。致令藥枯。惟火候得宜。則藥之氣味不損。服必有力。而其效速于置郵。藥渣入不必再煎。要知病人以求疾愈為急。豈惜此一劑藥渣。而必再煎乎。但藥中有厚味者。有芳香者。一煎氣味已去。渣有何力。愚意以補中益氣湯為則。黃芪白朮味厚。先入罐煎。十數沸。次入參歸并柴甘陳姜棗。又煎十數沸。則氣味均出矣。舉此一方。而為例。則他方可以類推。白蔻川貝研末。廣香肉桂磨膏。官參一味。銀盒獨蒸湯汁。且芳香之藥。不見火為佳。見火則功力減半。況至于久熬者乎。救世君子。立方之後。必將此以告病家之知事者。

一是書稿成于庚申。復編次于丙寅。至今壬辰。窮究三十三載。余年已七十矣。自覺閱歷愈多。而見識愈確。于是殫厥心力。再加訂正。辭意冗者刪之。可節去者削之。邇來醫治案頭更多。內選奇者加之。種種議論。皆以六經為主。併拈出諸名家精義。用作已鼻。于每條末附案。分帙六卷。顏曰齊氏醫案。回視前作。煥然改觀。余滿擬秘藏笥中。使吾兒及諸門人輩有所遵循。待百年後。身盡名滅。然後梓行。如其速刻。求明令業醫之士。從前師說。漫無著落。必嫉為欺世盜名耳。恐未能遠知音之賞鑒。已先犯無識者之譏談也。奈當世名公咸慙。慙予曰。此濟世事也。曷不付之剞劂。而反遲滯乎。遂如命登梨棗焉。

倘復有高明者起而見教則幸甚

熊吉堂曰。凡例十七條中。勸戒詳陳字字金玉。堪為後學津梁。續刻醫秘。症科。附後則治病用藥諸法。庶乎不差。為功不小。慎勿弁髦視之。而昧作者之苦心焉。



臨證必讀

昔長沙公教人以望聞問切四法。妙哉其神矣。然庸工無傳。遂謂此非長沙之聖。不能知。何其所見之不廣也。不知具有明徵。顯而易見。望者望其人之顏面。氣色。以察形體之榮瘁。如青屬肝病。赤屬心病。白屬肺病。黃屬脾病。黑屬腎病也。聞者聞其語言聲息。以審內氣之盛衰。復問其病起于何時。得于何因。所見之證。属于何經。于是再問其平日有何舊病與否。其本氣宜寒宜熱。則病之六經陰陽表裏寒熱虛實。確有所據。而後切其脉。以驗證。不過再加詳瑣之意。並非盡得其證于脉息之中。倘脉證不數。猶必舍脉而從證。可見重在證。不重在脉。故以切為獨後。彼不諳仲景之法。藉脉理之說。而欺于世。至于望聞問三字。不得其傳。則病之六經表裏陰陽寒熱虛實。懵然不識。求其不殺人者。幾希矣。

切脉須知

余讀雷真君曰。脉訣內經已暢言矣。王叔和發明沈微垣規正。余不可不一一論之。脉訣大約言愈多。則旨愈晦。吾獨尚簡要。以切脉。不必紛紛于七表八裏也。切脉之最要者。在浮沉。其次則遲數。其次則大小。又其次則虛實。又其次則滑濇而已。知此十脉。則九人之病。不能出其範圍。至于死脉。尤易觀也。不過魚蝦之遊禽鳥之喙。屋漏彈石劈索水流之異也。知十法之常。即可知六法之變。

又何難知人之病哉。靈樞之形容脉象萬不可以為法。仲景曰。脉訣原不必多。多則反晦。真君之妙論。至簡至要。可為萬世切脉之定法。

聶灼三曰。余觀前二則。愷切詳明。真可為俗醫之換骨金丹也。今人讀之。年遍不厭。

杜執病因醫之弊

醫以浮沉遲數等脉。分別病之表裏寒熱虛實。非以某脉專主某病。亦非以某病必無某脉。經云。陽病得陰脉者死。陰病得陽脉者生。是陰病有陽脉。陽病有陰脉也。又中風之脉。浮遲者吉。大數者危。是中風有浮遲。亦有大數也。吐衄之脉。洪大者危。沉小者吉。是吐衄有洪大。亦有沉小也。凡患病者。必先將病之始末。細說與醫。以脉證病。了然無疑。則藥無不效也。今多有自隱病因。以脉困醫。令其猜病。偶合則稱為神手。不合則薄為庸才。不服其藥。是以明醫反不見信。良可慨也。彼不知古人治病。未有外望聞問三法。而獨以切脉神其治者。東坡先生云。吾求愈病而已。豈以困醫為事哉。且人生平有六陽脉者。六陰脉者。有左右偏勝者。有反關脉者。凡有疾。病難以合診。又飢飽房勞驚醉之後。脉難作準。又寒熱之病。寒時則脉衰。熱時則脉盛。不可不辨。已上數端。醫者臨證時。以望色聞聲問因審之。庶可以得病情。而手到春生矣。

醫門十勸 七言排律十首

勸醫士盡心診治

一自勤搜海上方。順時調氣貴周詳。凝神膝理咸昭徹。入手根由細較量。敢道無錢分厚薄。惟求有疾盡安康。良醫良相功歸一。願起斯人菜色黃。

勸醫士安貧莫苛取

顛連抱病剝床膚。全仗春風拂朽枯。盡爾勤勞心內術。忍教抑勒病中軀。人酬未及天酬巧。近報須將遠報圖。莫學段家承務子。縑金索得便神誅。事見丹桂籍中

勸醫士恤孤寡

寡婦孤兒已寂寥。無端染病倍魂銷。淒風黯雨連牀泣。妙藥靈丹趁手調。死者有知應結草。生而無恙賴承桃。一腔仁愛天心鑒。定卜芝蘭姓字標。

勸醫士憐貧乏

一家衣食賴馳驅。無奈沈疴已瘦臞。妙劑渥如沾雨露。神方甦爾出泥塗。彥明張氏蘭芽秀。不可陳生桂萼敷。休說貧民難買命。濟人須濟急時無。張氏陳生事載桂籍

勸醫士施給凶年藥餌

人人誰不願平安。瘟疫流行禍慘然。窮極已經朝慮夕。病深難度日如年。卧床苦惱炊無米。閨戶哀號藥少錢。命似草菅溝壑滿。傾囊解索好施捐。

勸醫士勿誤用藥

回生藥力可通神。用合機宜在我身。未識陰陽和表裏。終清佐使與君臣。安方補瀉宜斟酌。執意溫涼貴認真。一命終須償一命。果報昭昭勿誤人。

勸醫士勿私奇方秘傳

奇方珍重獨超羣。一派淵源許共聞。各教本非天地意。傳薪宜體聖賢文。價雖簡便偏療疾。藥似平常轉建勲。莫飽私囊誇秘訣。流行陰德首推君。

勸醫士勿多傷生命製藥

汝欲延生須放生。前賢戒語好推尋。殘他肢體傷多命。入爾丹丸索數金。雀飼百頭需藥米。蟾羅千隻費刀砧。一般怕死情無異。我輩宜懷惻隱心。

勸醫士預儲缺藥

嘗來藥味總成虛。真則無多賸有餘。馬勃牛溲宜預蓄。銀丸金液亦須儲。居奇莫謂能邀利。愈病方知有令譽。春滿囊中無缺陷。倉皇臨證亦舒徐。

勸醫士勿好為人師妄教子弟

授業先將品行看。莫教無學並貪婪。靈區朗朗懸金鏡。妙理深深啟玉函。善悟聰明能集益。苛求殘刻更何堪。誤人在彼猶如我。仁術藏身貴渾涵。

右詩十首。言雖平庸。意實懇切。願諸君子身體而力行之。更勸大有力人。



登高一呼。轉相化導。使人人咸以利濟為心。則于聖朝仁民愛物之

治化亦未必無小補云。

題詞

有堂先生以十勸詩求正。余誦其詩。嘉其意。且喜其為風雅雋才也。因即詩以記之。

學問精時術亦精。良醫良士並知名。數行珠玉隨風落。底勝陽春腕下生。
斧藻無從細品評。仁言利溥耐重賡。慈航已作迷津渡。莫負婆心委曲呈。
賜進士出身奉政大夫知宜賓縣事李嘉祐拜手

雜誌俚言小引

余不能讀父之書。拋荒太早。筆墨未工。敢言詩文哉。但性耽吟咏。每即事率書數言。不計工拙。迨後游滇黔之三江。過河南山東諸地。兼澄心于醫學。稍暇輒搦管。頗為當代賞識。如同學進士徐績臣。廣文王成齋夫子。俱有勸予理舊業。納監入闈之議。然交游往來。而人莫予休也。惟究心方書。攷疑辨難。蒐輯要畧。數十年于茲。石火電光。倏焉老矣。十勸詩已不足存。今又從殘書簿記中檢出俚言二十餘首。第即歷年行事編次之。聊以見半生之窮通得失。大概如此。若欲以詩法律之。則過望矣。

雜誌俚言

五字擢英才

得才字。此雷波開學觀風題時。肄業邑孝廉母舅羅子容夫子處。

彤廷勤策士。

昭代集英才。燭已三條盡。賢因五字來。捫鬚頻措置。倚馬任

敲推。句向冰壺灑。聲疑玉珮回。詩成隨檢點。議就待刪裁。甲乙憑公取。

門報曉開。

戊戌大旱

時肄業于南邑孝廉張訂西夫子處

赤日無雲陰。長風四野清。暑無涼雨過。暄暇計秋成。水熟真如沸。魚浮不敢生。

書齋外有池魚鱗死浮水面

麥莖焦若火。禾穗暴聞聲。雖燕侵晨出。新蟬競夜鳴。一句猶未

滿郊外。盡心驚。

己亥年荒

千金斗粟莫能量。腰束青蚨一貫長。買得數簫盈半斛。頻誇饘粥養生湯。以糲年

稿米未有錢多能買得升斗者

菜羹瓜粥滿康莊。人似蠶眠色腫黃。委身溝壑埋無土。難盡招魂向北邙。菟菜

戰往時倍出入以羹粥度命

束書

尋得芸香辟蠹魚。竹樓收拾幾行書。前人手澤輕如土。拋盡青緇痛有餘。

徙居清水

頑梗強徒氣正雄。災殃眉睫漸當躬。皇天老眼能昭鑒。憐我流離道路中。